

Суббота
21
декабрь 1940 ар
№91 (107)
2-тй арзэ потэ.
№-лэн дуныз 5 коп.

КОММУНИЗМЕ

Редакциялэн адресыз: ст. Пычас, УАССР, Коммунальной ульча, дом № 17, выльсь этаж, телефон № 14.

ВКП(б)-лэн
Пычасской
райкомезлэн но
Райсоветлэн
органы

Москваын декабрьской вооруженной восстаниялы 35 ар

9 (22) январе 1905 арын Петербургын луэм царизм-лэн безоружной рабочий-ёсын кровавой расправаез со толчокен луиз, кудыз пертчи нырьсь русской революцией, жутыз Россиясь рабочий движениез бадзым выльыке.

Странаын политической стачкаос, демонстрациос кутскизы. Нимаз интыосын рабочийёс царской властиёс вооруженной сопротивлению сётязы. Уно забастовкаосын дас но сю сюрс рабочийёс участвовать каризы. 1905 арын ваньмыз 2.800.000 адями бастовать кариз.

Рабочийёс сёбры жутскыны кутскиз крестьян калык но. 1905 арлэн тулысаз но гужемаз Россиясь уно губерниясын но нимыстыз ик Грузиян крестьян-ёс помещикёслэсь имениоссэс громить каризы, музеймэс талаллазы. Социал-демократической партия гуртёсын крестьянёслы вазиськон'ёс потылыз, кружокёс, забастовкаос организовоть карылыз, крестьянской комитетёс кылдытыз.

Революционной нюръяськон адзылымтэ кужымен будыз. Эксэй войскоослэн русско-японской войнаын пораженизы солдат'ёс но матросёс пöлын волениос кылдытыз. 1905 арын октябрьской политической стачкалэн нуналёсаз самодержавилы пумит нюръяськонны кужмо оружие — рабочий депутатёслэн Советёссы — кылдыз.

Москваын (22 декабре) вооруженной восстаниялы 35 ар тырмонэзлы.

Большевикёс, эсерёслы но меньшевикёслы пумит, III съездлэн решениеосын вооружиться карыса массаосы восстаниялы дасязы.

5 (18) декабре московской большевикёс всеобщей стачка но вооруженной восстание сярысь решение кутызы.

9 (22) декабре Москва-лэн ульчаосыз баррикадаосын шобьртскизы, движение дугдыз. Эксэй войскоос баррикадаосы ыбылзы, громить каризы Фидлерлэсь училищез, кытчы пуксызы дружинникёс.

Москваысь пролетариат-лэн восстание кутскон азелы сюрс ёрос дружинникёслэсь боевой организации вал. Жугиськон'ёс мыныку дружинникёслэн лыды унолы будыз. Восстание быдэс городэз басытыз. Москваысь буржуазия паникаын продуктёс дасяны кутскиз, подвалёсы ватскылыз.

Вооруженной жугиськон'ёс Замоскворечьеын, Миусаосын, Бутыркаосын, Рогожско-Симоновской районан, Красной воротаос но Сухаревской башня дорын мынызы. Нимыстыз ик зол жугиськон'ёс Красной Преснян вал. Татчы люкэм лучшей дружинаосын большевикёс киралтызы. Красной Пресня восстаниялэн центрнэз луиз, солэн главной крепостеныз.

Укмыс нунал мыныз восставшай рабочийёслэн лыдыз трос войскоосын герой-

ческой жугиськонзы. Эксэй правительство Москвае Семеновской но мукет гвардейской полкёсты ваем бере восстание зверской амальёсын зйбемын вал. Восставшай рабочийёсын кровавой расправа кутскиз.

Вооруженной восстаниеос Россиялэн мукет интыосаз но ортчизы: Закавказьеын, кытын рабочийёслэн вооруженной нюръяськоненыз кивалтыз Сталин эш, Донбассын, Уралын, Сибирьын.

Пöртэм оценка сётыз вооруженной восстаниялэн уроктёсызлы большевикёс но меньшевикёс.

Меньшевик Плехачовлэн кышкаса „Пычал борды кутсконо ой вал“ шуэмезлы Ленин шуиз: „Напротив, кулэ вал оружие борды тужгес решительно, энергично но наступательно кутскыны...“

„Пролетариат vormeмын öвл, — гожтыз Сталин эш, — со ог вагыты чигназ но али дасяське выль славной схваткалы“.

Та выль, славной, вормон ваис схватка луиз 1917 арын октябре.

Москваын 1905 арын луэм декабрьской вооруженной восстание бадзым инты басыть рабочий класс-лэн самодержавилы но капитализмлы пумит, социализм понна нюръяськоназ.
М. Ильин.

ВЦСПС-ын Толалтэ каникул'ёс дыр'я школьникёсты обслуживать карон

Школаосын 1 январьсен толалтэ каникулёс кутскызы. ВЦСПС школьникёсты каникулёс дыр'я обслуживать карон понна решение юматыз.

Профсоюзной организации, клубёслэн правлениеосы но культура Дворецёс пинальёслы утренникёс, художественной самодеятельностья жыгтёс, страна-лэн тодмо муртёсыныз пумиськон'ёс лэстылозы. Вань интыосын куасэн но конькиен велонья, хоккеен шудон'я детской соревнованиеос организовать каремын луозы, пöртэм военной шудон'ёс ортчытыськозы.

ВЦСПС профсоюзёслэн центральной, областной, фабрично-заволской но местной комитетёссылы предложить кариз выль ар нуналэ елкаос лэстыны.
(ТАСС).

ВЫЛЬ СОВЕТСКОЙ РЕСПУБЛИКАОСЫН НО ОБЛАСТЬЕСЫН БЫР'ЕН'ЕС БЫР'ИСЬКОН КАМПАНИЯ

Украинской ССР-лэн западной областьесыстыз трудящийёслэн депутат'ёссылэн интыысь Совет'ёсказы БЫР'ЕН'ЕС СЯРЫСЬ ПРЕДВАРИТЕЛЬНОЙ ДАННОЙЕС

Киев, 16 декабре. (ТАСС). Украинской ССР-лэн Верховной Советэзлэн Президиуменыз окружной избирательной комиссиослэсь общей даннойёс басытмын трудящийёслэн депутат'ёссылэн 1940 арын 15 декабре Волынской, Дрогобычской, Львовской, Ровенской, Станиславской но Тернопольской областьёсын интыысь Совет'ёсказы быр'ен'ёслэн итог'ёссы сярысь.

Бырийськон'ёс кутскизы чукна чапак 6 часын.

Трудящийёслэн депутат'ёссылэн интыысь Совет'ёсказы быр'ен'ёс'я окружной избирательной комиссиослэн ивортэмзыя Волынской, Дрогобычской, Львовской, Ровенской, Станиславской но Тернопольской областьёсысь ваньмаз город'ёсын, селоосын но поселокёсын 15 декабре нуназе бере 4 час азелы избирательёс

ваньмыз сямен ик голосовать каризы.

Голосование йылпум'яскиз 15 декабре уйин 12 час азелы.

Окружной избирательной комиссиослэн предварительной даннойёссыя избирательёслэн ог'я лыды пöлысь 98 процентлэсь тросэз голосовать каризы.

Окружной избирательной комиссиослэн ивортэмзыя, быр'емын: 458 депутат'ёс — областной Совет'ёсы, 7179 депутат'ёс — районной Совет'ёсы, 4762 депутат'ёс — городской Совет'ёсы, 842 депутат'ёс — город'ёсысь районной Совет'ёсы, 1697 депутат'ёс — поселковой Совет'ёсы но 64.072 — сельской Совет'ёсы.

Интыысь Совет'ёсы быр'ем депутат'ёс ваньмыз луо коммунист'ёслэн но беспартийнойёслэн блоксылэн кандидат'ёсыз.

Карело-Финской ССР-ысь трудящийёслэн депутат'ёссылэн интыысь Совет'ёсказы БЫР'ЕН'ЕС СЯРЫСЬ ПРЕДВАРИТЕЛЬНОЙ ДАННОЙЕС

Петрозаводск, 16 декабре. (ТАСС). Карело-Финской ССР-лэн Верховной Советэзлэн Президиуменыз окружной избирательной комиссиослэсь общей даннойёс басытмын 1940 арын 15 декабре трудящийёслэн депутат'ёссылэн районной, городской, город'ёсысь районной, сельской но поселковой Совет'ёсказы быр'ен'ёслэн итог'ёссы сярысь.

Бырийськон'ёс кутскизы чукна чапак 6 часын.

Трудящийёслэн депутат'ёссылэн интыысь Совет'ёсказы быр'ен'ёс'я окружной избирательной комиссиослэн ивортэмзыя, 15 декабре нуназе бере 4 час азелы ваньмаз район'ёсын, город'ёсын, селоосын но поселок'ёсын избирательёс ваньмыз сямен голосовать каризы. 15 декабре 12 часэ уйин голосование йылпум'яскиз.

Окружной избирательной комиссиослэн предварительной даннойёссыя избирательёслэн ог'я лыды пöлысь 98 процентлэсь тросэз голосовать каризы.

Окружной избирательной комиссиослэн ивортэм'ёссыя быр'емын ваньмыз 5699 депутат'ёс, соос пöлысь: районной Совет'ёсы—739 депутат'ёс, городской Совет'ёсы — 627 депутат'ёс, город'ёсысь районной Совет'ёсы — 152 депутат'ёс, сельской Совет'ёсы—3934 депутат'ёс но поселковой Совет'ёсы 247. Ваньмыз районной, городской, город'ёсысь районной, сельской но поселковой Совет'ёсы быр'ем депутат'ёс луо коммунист'ёслэн но беспартийнойёслэн блоксылэн кандидат'ёсыз.

Салехард—Ханты—Мансийск лыжной переход Омск.

Омскысь лыжник'ёс толалтэ спортивной сезонэз усыйты астафетной соревнованиеосын. Соревнованиеосын участвовать каризы 57 командаос. Али районной центр'ёсын, совхоз'ёсын но колхоз'ёсын лыжной базаос кылдытысько. Орточо лыжной

соревнованиеосын сю сюрс ёрос мурт участвовать кароз. Национальной округ'ёслэн 10 ар тырмезылы сизыса, областьсысь физкультурник'ёс Салехард—Ханты—Мансийск маршрут'я али лыжной переход лэсты.

16 декабря. (ТАСС).



Трехгорной мануфактураын ужась рабочийёслэн но работницаослэн — восстаниян участник'ёслэн группы. Бурьсен палляне: нырьсь радян — С. Я.Зенкевич, Г. А. Белов, С. А. Косарев, Е. С. Салтыкова — Старостина но А. С. Мозженкова, кыкетй рад — А. В. Колпачева, В. П. Бахвалов, Ф. А. Ломакина но С. П. Симонов.

Фотоез П. Игнатенколэн.

Фотоез ТАСС-лэн.

